

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: OP 103/15

Sarajevo, 26. 09 .2017.godine

Na osnovu člana 69. stav (3) i 70. Zakona o javnim nabavkama (Sl. glasnik BiH br. 39/14), te člana 41. Statuta preduzeća, u otvorenom postupku javne nabavke br. **OP 103/15** donosi se :

ODLUKA

o otkazivanju postupka javne nabavke

Član 1.

Otkazuje se otvoreni postupak javne nabavke broj **OP 103/15** za nabavku roba: "Grafička štampa, računi i koverta", koji je pokrenut za potrebe ugovornog organa: KJKP "Vodovod i kanalizacija" d.o.o. Sarajevo, za koji je Obavještenje o nabavci broj: 247-1-1-189-3-226/15, poslano na objavu na Portal javnih nabavki dana: 21.12.2015. godine.

Član 2.

Postupak nabavke se otkazuje zbog drugih dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Postupak nabavke se otkazuje iz razloga što Ugovorni organ, nije imao saznanja da će presudom Suda BiH broj S1 3 U 021844 16 U od 05.09.2017. godine, biti poništeno Rješenje Ureda za razmatranje žalbi BiH broj: JN2-03-07-1-256-6/16 od 07.04.2016. godine.

Ugovorni organ je postupajući prema ranije donesenom Rješenju Ureda za razmatranje žalbi BiH, Filijala/Podružnica Mostar broj: JN2-03-07-1-256-6/16 dana: 07.04.2016 godine, koje je **konačno i izvršno**, na osnovu donesene Odluke, okončao postupak javne nabavke a isti je Obavještenjem o poništenju postupka nabavke br. 247-1-1-189-4-56/16 od 15.04.2017. godine, poništen na portalu javnih nabavki (sažetak Obavještenja o poništenju objavljen u Službenom glasniku BiH br. 29 od 22.04.2017. godine).

U slučaju eventualnih žalbi nije bilo moguće predvidjeti odluke koje bi mogle biti donesene od strane Ureda za razmatranje žalbi BiH kao ni predvidjeti donošenje novih akata u postupku kojim se poništavaju ranije donesene odluke od strane Suda BiH, zbog čega isti predstavljaju okolnosti koje su izvan kontrole ugovornog organa i koje se nisu mogle predvidjeti u vrijeme pokretanja postupka javne nabavke.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stanici: www.viksa.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama i stupa na snagu danom donošenja.

Obrazloženje

Ugovorni organ KJKP "Vodovod i kanalizacija" d.o.o. Sarajevo, pokrenuo je otvoreni postupak javne nabavke roba: "Grafička štampa, račun i koverte", za koju je Obavještenje o nabavci broj 247-1-1-189-3-226/15 objavljeno na Portalu javnih nabavki dana: 21.12.2015. godine. Nakon provedenog postupka, ugovorni organ je donio Odluku o poništenju postupka javne nabavke broj OP 103/15 od 04.03.2016. godine, na koju je ponuđač „Defter“ d.o.o. Sarajevo, uložio žalbu dana: 14.03.2016. godine, koju je Ured za razmatranje žalbi BiH, Filijala/Podružnica Mostar odbio Rješenjem broj JN2-03-07-1-256-6/16 od 07.04.2016. godine. Žalitelj je pokrenuo upravni spor protiv navedenog rješenja URŽ-a. Sud BiH, donio je presudu broj S1 3 U 021844 16 U od 05.09.2017. godine, kojom je usvojio tužbu, poništio Rješenje URŽ-a broj JN2-03-07-1-256-6/16 od 07.04.2016. godine i predmet vratio Uredu za razmatranje žalbi BiH, Filijala/Podružnica Mostar na ponovno odlučivanje.

U ponovljenom postupku, postupajući prema uputama Suda BiH, iznesenim u Presudi broj S1 3 U 021844 16 U od 05.09.2017. godine, Ured za razmatranje žalbi BiH, Filijala/Podružnica Mostar je donio Rješenje broj: JN2-03-07-1-956-7/17 od 14.09.2017. godine, kojim se žalba ponuđača: "Defter" d.o.o. Sarajevo, usvaja i poništava Odluka ugovornog organa o poništenju postupka javne nabavke broj OP 103/15 od 04.03.2016. godine, te predmet vraća na ponovni postupak ugovornom organu.

U ponovnom postupku, Ugovorni organ je utvrdio da su nastupili drugi dokazivi razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, te da je potrebno donijeti Odluku o otkazivanju postupka nabavke iz razloga što je ugovorni organ, postupajući prema ranije donesenom Rješenju Ureda za razmatranje žalbi BiH, Filijala/Podružnica Mostar broj: JN2-03-07-1-256-6/16 od 07.04.2016. godine, koje je **konačno i izvršno**, na osnovu donesene Odluke, okončao postupak javne nabavke a isti je Obavještenjem o poništenju postupka nabavke br. 247-1-1-189-4-56/16 od 15.04.2017. godine poništen na portalu javnih nabavki (sažetak Obavještenja o poništenju objavljen u Službenom glasniku BiH br. 29 od 22.04.2017. godine).

Ugovorni organ je bio dužan postupiti u skladu sa Rješenjem URŽ-a, koje je na osnovu odredbi člana 111. stav (13) Zakona o javnim nabavkama (Sl. glasnik BiH br. 39/14), konačno i izvršno. Rješenje URŽ-a postaje konačno i izvršno dostavljanjem strankama u postupku te je konstatovano da je ugovorni organ nakon ulaganja žalbe od strane ponuđača: "Defter" d.o.o. Sarajevo obustavio postupak nabavke zbog suspenzivnog dejstva žalbe a isti okončao tek nakon dostavljanja Rješenja po žalbi od strane drugostepenog organa u postupku.

Ugovorni organ, nije imao saznanja da će presudom Suda BiH broj S1 3 U 021844 16 U od 05.09.2017. godine, biti poništeno ranije doneseno Rješenje Ureda za razmatranje žalbi BiH. Konstatovano je da je Presuda Suda BiH broj S1 3 U 021844 16 U donesena dana: 05.09.2017. godine a poništeno Rješenje Ureda za razmatranje žalbi broj: JN2-03-07-1-256-6/16 je doneseno dana: 07.04.2016. godine zbog čega je u fazi ponovnog postupka, nakon proteka ovog vremenskog perioda nemoguće nastaviti sa postupkom javne nabavke, te da se iz navedenih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke isti može samo otkazati.

Iz svih gore navedenih razloga, primjenom odredbi člana 69. stav (3) Zakona o javnim nabavkama ("Sl. glasnik BiH" br. 39/14), donesena je Odluka o otkazivanju postupka nabavke, kao u članu 1. ove odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, putem ugovornog organa u roku od 10 (deset) dana od dana prijema ove odluke i to u pisanoj formi, u dovoljnom broju primjeraka a koji ne može biti manji od 3 (tri).

Dostaviti:

- ponuđači
- a/a



Direktor


Nezir Hadžić, Magistar uprave

38
Muster!
Sm